



## Načisk protokola zjawneho džěla

### 11. (rjadneho) posedženje Zwjazkowego předsydstwa Domowiny

---

<b>datum:</b>	pjatk, 12.05.2023
<b>čas:</b>	20.00 hodž. – 22.00 hodž.
<b>městnosť:</b>	žurla Serbskeho domu w Budyšinje
<b>přitomni na městnje:</b>	D. Statnik, dr. H. Leipner, M. Hančik, M. Młynkowa, W. Bejmak, J. Bělk, B. Bělk, M. Brycka, M. Funka, A. Hiccyna, B. Sćapan
<b>digitalnje přitomni:</b>	F. Albertowa, L. Dučmanowa, K. Grofa, W. Janhoefer, M. Libšowa, F. Ričel, F. Grajcarek
<b>zamołwjeni:</b>	B. Cyž, D. Dyrlich, M. Hasacky, M. Michałkowa, D. Wowčerjowa, L. Žurec-Pukačowa, M. Mark, D. Maticowa, J. Clausen
<b>njezamołwjena:</b>	J. Dünnbierowa
<b>hosćo na městnje:</b>	J. Šoćina, M. Końcař, dr. B. Brězanowa, M. Di Sarnowa, , B. Šimanec, K. Liznarjec, B. Žurowa, K. Suchec-Dźisławkowa (digitalnje)  J. Budar (Założba za serbski lud), J. Wowčer (MDR - serbski rozhłós), A. Arlt (Serbske Nowiny), Marko Kowar (člon załožboweje rady), Marlis Pjacec

<b>0.</b>	<b>Zahajenje posedženja</b> wotewrjenje a powitanje / zwěšćenje přitomosće a zamołwjenjow / zwěšćenje wobzamknjenjakmanosće / schwalenje dnjoweho porjada / zwěšćenje zajatosće  Předsyda informuje hišće raz, zo je G. Šejn funkciju w zwjazkowym předsydstwje zložil. Z tym wobsteji zwjazkowe předsydstwo aktualnje z 28 člonow.  Wot cyłkownje 28 člonow zwjazkowego předsydstwa su <b>17</b> přitomni = <b>61 %</b> . Z tym je wobzamknjenjakmanosć zaručena.  Zajatosć so njezwěsći.
-----------	--

<p><u>Wobzamknjenje čo. 74 z dnja 12.05.2023:</u> Dnjowy porjad zjawneho džěla 11. posedženja Zwjazkowego předsydstwa so schwali.</p> <p>Wuslědk wothłosowanja:</p>		
za namjet: 17	přećiwo namjetej: 0	so hłosa wzda: 0
<p>Namjet so z tym přiwwa.</p> <p>D. Statnik informuje zjawnosć, zo přistaji so Božena Šimanec k 15.05.2023 jako nowinska rěčnica Domowiny.</p>		
1.	<p><b>Wobjednanje protokola 10. (rjadneho) posedženja z dnja 17.03.23 z kontrolu zwoprawdženja tam zapisanych nadawkow</b></p> <p>K protokolej njejsu žane přispomnjenja.</p>	
2.	<p><b>Předstajenje stejišća wuběrka za nutřkownu demokratiju a serbsku ciwilnu towaršnosć k zdobywanju dorosta</b></p> <p>M. Hančik zjima w nadawku předsydy wuběrka za nutřkownu demokratiju a serbsku ciwilnu towaršnosć stejišćo k wabjenju dorosta za serbske institucije. Wuběrk je definował šěsć wobłukow, kak móžemy potencielne džělowe mocy zdobyć. Tute naprawy móhł přewodźeć "serbski headhunter".</p> <p>Naćisk sprosředkuje so do kruha serbskich institucijow k wobjednanju a kwalifikowanju. Pruwować maja so móžnosće spěchowanja přez załožbu a džělowy zarjad.</p>	
3.	<p><b>Rozmołwa z direktorom Załožby za serbski lud Janom Budarjom</b> - wo aktualnym stawje wokoło Lawskeho areala</p> <p>Direktor załožby předstaji přítomnym staw wokoło Lawskeho areala. Wón mjenuje potreby biblioteki a archiwa Serbskeho instituta a Serbskeho muzeja, kaž na př. potreba běrowow, rozrost ličby přistajenych, trěbnosć saněrowanja a ćeže nastupajo přistupnosće za wopytowarjow.</p> <p>Jako zhromadne perspektiwy mjenuje wón lěpšu widžomosć w měsće, zhromadne poskitki a zhromadny digitalny management herbstwa.</p> <p>Za cyłkowny twar su so 113 požadanjow zapodali. Za wubědžowanje architektow su so 20 z tutech wulosowali. Spočatk junija so wo dobyćerskim naćisku rozsudži a po tym so wšitke naćiski zjawnje wustaja.</p> <p>Prezentacija J. Budarja je w nextcloud-rjadowaku zwjazkowego předsydstwa přistupna.</p>	
4.	<p><b>Wobzamknjenja</b></p>	
4.1.	<p><b>Dalše powołanje do přihtowanskeho wuběrka „Serbske mustwo – Europeada 2024“</b> předłoha ZP 70/2023</p>	

	<p><u>Wobzamknjenje čo. 75 z dnja 12.05.2023:</u>  Zwjazkowe předsydstwo wobzamknje:  Domowina powoła we wothłosowanju ze Serbskim Sokołom z. t. dalšeju zwólniweju do přihotowanskeho wuběrka “Serbske mustwo – Europeada 2024”:</p> <p style="text-align: center;">Milana Funku a  Pawlu Simulic</p> <p>Za wuběrk płaci prawnu na narunanje po jednanskim porjedže za čestnohamtske skutkowanje. Wuběrk móže sej swójski džělowy porjad dać.</p> <p>Wuslědk wothłosowanja:</p> <table border="1" style="width: 100%; border-collapse: collapse;"> <tr> <td style="width: 33%;">za namjet: 15</td> <td style="width: 33%;">přećiwo namjetej: 0</td> <td style="width: 33%;">so hłosa wzda: 1</td> </tr> </table>			za namjet: 15	přećiwo namjetej: 0	so hłosa wzda: 1
za namjet: 15	přećiwo namjetej: 0	so hłosa wzda: 1				
<p><b>4.2.</b></p>	<p><b>Powołanje fachowca do wuběrka zwjazkowego předsydstwa předloha ZP 71/2023</b></p> <p><u>Wobzamknjenje čo. 76 z dnja 12.05.2023:</u>  Zwjazkowe předsydstwo Domowiny powoła Křescana Korjeńka do wuběrka za nutřkownu demokratiju a serbsku ciwilnu towaršnosć.</p> <p>Wuslědk wothłosowanja:</p> <table border="1" style="width: 100%; border-collapse: collapse;"> <tr> <td style="width: 33%;">za namjet: 16</td> <td style="width: 33%;">přećiwo namjetej: 0</td> <td style="width: 33%;">so hłosa wzda: 1</td> </tr> </table>			za namjet: 16	přećiwo namjetej: 0	so hłosa wzda: 1
za namjet: 16	přećiwo namjetej: 0	so hłosa wzda: 1				
<p><b>4.3.</b></p>	<p><b>Přihot wólbow 4. serbskeho naměstnika ze Sakskeje do rady Załožby za serbski lud 2023-2027</b></p> <p>Předsyda přednjese zjimanje wotmołwow na prašenja, kiž su při wólbach dnja 13.01.2023 nastali, kaž tež doporučenje prezidija Domowiny.</p> <p>Za přechodny čas zastupuje jedyn zastupowacy člon załožboweje rady dweju rjadneju člonow, doniž so štwórta zastupowaca wosoba njewuzwoli.</p> <p>Prawiznik Domowiny njeje njedostatki zwěsćić, wólby rjadnych a zastupowacych člonow su płaciwe. We wuslědku doporuči prezidij, namołwu k zapodaću namjetow za wuzwolenje 4. serbskeho naměstnika ze Sakskeje do Załožboweje rady na dobu 2023-2027 schwalić.</p> <p><u>Wobzamknjenje čo. 77 z dnja 12.05.2023:</u>  Zwjazkowe předsydstwo Domowiny schwali namołwu k zapodaću namjetow za wuzwolenje 4. serbskeho naměstnika ze Sakskeje do Załožboweje rady na dobu 2023-2027.</p> <p>Wuslědk wothłosowanja:</p> <table border="1" style="width: 100%; border-collapse: collapse;"> <tr> <td style="width: 33%;">za namjet: 18</td> <td style="width: 33%;">přećiwo namjetej: 0</td> <td style="width: 33%;">so hłosa wzda: 0</td> </tr> </table>			za namjet: 18	přećiwo namjetej: 0	so hłosa wzda: 0
za namjet: 18	přećiwo namjetej: 0	so hłosa wzda: 0				
<p><b>5.</b></p>	<p><b>Rozprawa předsydy Domowiny, prezidija Domowiny a člonow zwjazkowego předsydstwa wo džělawosći třěšneho zwjazka mjez posedženjomaj zwjazkowego předsydstwa</b></p>					

Rozprawa předsydy a prezidija předleži člonam pisomnje.

## 6. Naprašowanja člonow Domowiny a hosći k serbskim naležnosćam

M. Pjacec:

Při wólbach załožboweje rady je so wobzamknyło, zo liči jednora wjetšina. Wona je toho měnjenja, zo njeběše interpretacija Domowiny prawa a so praša, čehodla so ignoruje, zo je jedna wosoba 6 hłosow měła?

Předsyda wotmołwi, zo płaći art. 6, wotrězk 3 wustawkow Domowiny: namjet je přiwraty, “hdyž je wjetšina přitomnych hłosakmanych za namjet hłosowała”. Tole njesměmy w jednanskim abo wólbny m porjedže podkročić.

We wólbny m porjedže njebě definowane, što je jednora wjetšina – je to jednora wjetšina hłosakmanych abo wotedatych hłosow? Wólbna komisija pak je na to pokazala, zo dyrby 13 wot 25 přitomnych hłosakmanych člonow ZP za namjet hłosować.

Prawiznik Domowiny je wopodstatnił, zo je w našim padže jednora wjetšina runja absolutnej. Za nas je zwjazowace, što we wustawkach steji.

A. Arlt, Serbske Nowiny:

Cituje z lista SMWK (dypk 4), kiž je so dnja 11.05.23 w Serbskich Nowinach wozjewił a je měnjenja, zo steji to, štož tam steji, w přećiwku z wuwjedženjemi předsydy k tutej temje.

Praša so k dnjowemu dypkej 2 džensnišeho posedženja, hač je wuběrk do toho situaciju w serbskich institucijach analyzował.

M. Hančik wotmołwi, zo so njeje analiza přewjedła.

Dale so praša, kelko jězbnych kóštow z fonga delegowanja su so za jězbu do Kolumbiskej na konferencu CIOFF wudali?

J. Šoćina wotmołwi, zo steja lětnje cyłkownje 20.000 € za delegowanje a kulturnu wuměnu k dispoziciji. Finančny titul je w zamołwitosći prezidija. Hač so suma za jězbu do Kolumbiskej wozjewi, wo tym ma prezidij so dorozumić.

H. Leipner skedźbni hišće na to, zo bě dnja 11.05.23 w SN wozjewjeny list SMWK list na załožbu. Domowina je jenož džěle tutoho dóstała; horjeka tematizowany pasus njebě pódla.

M. Pjacec:

Kak chce Domowina problem dołhodobnje rozrisać serbskorěčny personal namakać, widži stagnaciju serbskeje rěče?

Člonoyo zwjazkoweho předsydstwa pokazaja na pilotowy projekt Zorja w DŁ, projekt ZARI w HŁ a tež ewaluaciju 2plus wučby.

Woni zwěsća, zo so kóždy člon zwjazkoweho předsydstwa čestnohamtsce za zdźerženje serbsčiny angažuje a nimo toho je to zamołwitosć kóždeho Serba. Zakłady so doma w swójbach tworja a potom w pěstowarni a šuli.

	<p>Předsyda Domowiny poskića knjeni Pjacec, zo móhła so jako hósć na přichodnym posedženju kubłanskeho wuběrka wobdžělic, zo bych so tam prašenja konkretnje wobjednawać hodželi.</p>
<b>7.</b>	<p><b>Informacija k aktualnym aspektam džěławosće zarjada Domowiny a Rěčneho centruma WITAJ</b></p> <p>Jednaćelka informuje, zo su tučasne hišće njewobsadźene městna w zarjedže Domowiny:</p> <ul style="list-style-type: none"> <li>• referentka/referent komunalne, gremijowe a ministerialne naležnosće</li> <li>• za projekt ZARI wědomostna sobudžělačerka / wědomostny sobudžělačer a projektowa asistencja</li> </ul> <p>Dale praji, zo je so hłowna zhromadźizna w zarjedže wuhódnoćiła a zwěsći, zo bě organizacija jara dobra.</p> <p>K aktualnym nadawkam liči přihot folklorneho festiwala, hdžež so horca faza přihotow bórže započina. Dale maja so plany za hospodarski budget za lěto 2024 spočatk junija wotedać a potreby za lěto 2026 mjenować. Jeli su ze stron zwjazkowego předsydstwa k tomu komentary, měli so tute w bliskim času mjenować.</p> <p>Jako Domowina mamy zapodać wšelake stejišća: k ramikowemu dojednanju za škit narodnych mjeńšin a k rěčnej charće, kaž tež k naćiskej noweho zakonja wo změnje mjenow.</p> <p>Dr. B. Brězanowa informuje wo džěławosći RCW:</p> <ul style="list-style-type: none"> <li>• poslednje šulske knihi so dodžěłaja,</li> <li>• zhromadne džěło z LaSubB Radebeul, hdžež so digitalne module nadžěłaja,</li> <li>• projektowe džěło RCW zaběra so tuchwilu na př. z přihotami džěćaceho programa mjezynarodneho folklorneho festiwala.</li> </ul> <p>W RCW je tuchwilu njewobsadźene městno w socialnym džěle.</p> <p>Dr. Brězanowa doporuči, zo měł do přichoda kóždy přistajeny w serbskej instituciji přemyslować, hač chcył jako rěčny partner za serbscy wuknjacych fungować.</p>
<b>8.</b>	<p><b>Aktualna debata člonow zwjazkowego předsydstwa</b></p> <p>Namjety njepředleža.</p>
<b>9.</b>	<p><b>Wšelčizny a informacije</b></p> <p>W mjenje wuběrka za nutřkownu demokratiju a serbsku ciwilnu towaršnosć přeprasy M. Hančik na přenje zetkanje pjatk, 09.06. w 17.00 hodž. do Wojerec do Zejlerjoweje bróžnje, hdžež budže so programowa diskusija zahajić. Prošu přizjewće so w zarjedže.</p>

Po protokolu prezidija z dnja 08.02.2017 maja so informacije zasadnje pisomnje a dočasne člonam prezidija posrědkować. Po protokolu ZP z dnja 29.04.2017 ma so posedženski čas gremijow na 4,5 hodžinow wobmjezować a měło so posedženje najpozdzišo 22.00 hodžin skónčić.

protokol: B. Žurowa  
přehladałoj: M. Di Sarnowa, D. Statnik